

€'steddfota

Cylchlythyr Cymdeithas Eisteddfodau Cymru

Rhif 35

Hybu eisteddfodau, cynnal cymunedau

Gorffennaf 2015

EISTEDDFOD POWYS – CROESOSWALLT 2016



Croesoswallt, cartref Eisteddfod Powys 2016.

Am y tro cyntaf erioed, fe dybir, bydd gan Eisteddfod Talath a Chadair Powys stondin ar Faes yn yr Eisteddfod Genedlaethol. Mae hyn yn bennaf oherwydd bod dalgylch Eisteddfod Powys a thalgylch yr Eisteddfod Genedlaethol ym Meifod eleni fwy neu lai yr un. Yn sgil y ffaith bod caredigion yr ardal wedi bod yn brysur yn casglu arian tuag at goffrau'r Brifwyl ers dwy flynedd, 'doedd neb yn awyddus iawn i dderbyn Eisteddfod Powys yn 2016, na'r gwaith o godi arian tuag ati, nes i ardal Croesoswallt benderfynu ddod i'r adwy a'i chrosawu.

Mae Cymrydoriaeth Eisteddfod Powys felly wedi trefnu bod ganddynt stondin ar Faes yr Eisteddfod Genedlaethol i hybu'r eisteddfod y flwyddyn nesaf. Yn hwb ychwanegol mae swyddogion yr Eisteddfod Genedlaethol ym Meifod yn garedig iawn wedi rhoi sêl bendith i Eisteddfod Powys godi arian ar y Maes. Cofiwch alw draw.



Uchod: Tlws yr Ifanc, Eisteddfod Powys, Isod: Cadeirio 2013



DAU LOGO NEWYDD SBON

EISTEDDFOD GADEIRIOL
2015 Y TALWRN



Yn dilyn ôl troed Eisteddfodau Maenlcochog, Llandudoch ac Uwchmynydd mae Eisteddfod Bancffosfelen ac Eisteddfod Gadeiriol Y Talwrn wedi gofyn i'r Gymdeithas am logo. Mae'r rhain bellach yn ymddangos ar glawr eu rhaglenni sydd hefyd wedi eu dylunio, yn rhad ac am ddim, gan y Gymdeithas. Cais yn syth drwy'r Pwyllgor a gafwyd gan Y Talwrn ond ar gyfer logo Bancffosfelen cynhaliwyd cystadleuaeth yn lleol. Bancghen ifanc o'r enw Scott Eckley aeth â hi a rhoddwyd ei ddarlun gwreiddiol o i Mei, ein Swyddog Datglygu i'w ail-greu yn ddigidol. Mae'r logo yn cynnwys blwyddyn codi'r eisteddfod yn 1947.

Ffrindiau 'steddfodol



Cofiwch, am ba bynnag reswm, bod modd i chi gysylltu â ni ar Facebook: Cymdeithas Eisteddfodau Cymru

galw am luniau



Diflas iawn fyddai'r newyddlen hon, yn ogystal â'n gwefan, heb luniau da. Cofiwch anfon unrhyw luniau sydd gennych o fyd yr eisteddfodau at Mei neu Shân.

CYFRINACH FACH YN EISTEDDFOD FAWR Y TALWRN

Yn dilyn cais gan Bwyllgor Eisteddfod y Talwrn, Môn i ddylunio eu rhaglen, daeth i'r amlwg bod cyfrinach yn llechu yng nghanol y cystadlaethau:

15. Cystadleuaeth Newydd i'w datgelu ar y Noson
Gwobr: Hyd at £25 i'w rannu

Tybed beth ar y ddaear yw'r gystadleuaeth arbennig hon sy'n cynnig hyd at £25? Rhag rhoi Mr Martin Samuel, Ysgrifennydd yr eisteddfod, mewn cornel, penderfynwyd peidio â'i holi, felly fe fydd yn rhaid i ni aros tan Dachwedd y 7fed 2015 i gael yr ateb!

'steddfota DRWY'R POST

Hoffech chi dderbyn copi o 'Steddfota drwy'r post? Cysylltwch â **Shân** neu **Mei** neu ewch i'n gwefan.



Tynnu sylw yn Llandudoch

Yn dilyn cael logo newydd gan y Gymdeithas aeth Eisteddfod Gadeiriol Llandudoch ati i greu baner fawr liwgar. Gosodwyd hon mewn man amlwg iawn ger y pentref i hysbysebu'r ffaith bod yr Eisteddfod yn cael ei chynnal o fewn yr wythnos. Heb os nac oni bai dyma ddull ymarferol iawn o ddenu cynulleidfa a chystadlauwyr. Cysylltwch â Mei os hoffech chi logo.



mynnu gair

Os hoffech chi ddefnyddio gwasanaeth ein Swyddogion Datblygu mae croeso i chi gysylltu â nhw yn y cyfeiriadau isod:

Swyddog Datblygu y De
Shân Crofft
shân@steddfota.org
02920 213596
07770 870605

Swyddog Datblygu'r Gogledd
Meirion MacIntyre Huws
mei@steddfota.org
01286 660 364
07887 654 251

Cofiwch hefyd am ein gwefan:
www.steddfota.org
ble ceir yr hanesion diweddaraf o fyd yr eisteddfodau.

GALWCH I'N GWELD YM MEIFOD!



GWEITHGAREDDAU'R
GYMDEITHAS YN YR
EISTEDDFOD
GENEDLAETHOL ELENI

GWEITHDY RAP YN Y LOLFA LÊN



gan Aneurin Karadog



Dewch i gael hwyl yn odli, cyflythrennu, rapio a chyfrannu at gerdd unigryw gyda Bardd Plant Cymru, Aneurin Karadog. Trefnir ar y sesiwn cyd â Llenyddiaeth Cymru.

HELFA DRYSOR

Y dilyn llwyddiant y gystadleuaeth hon yn Eisteddfod Genedlethol yr Urdd yng Nghaerffili mae'r Gymdeithas am ei chynnal ym Meifod hefyd – ond gyda chwestiynau cwbl wahanol wrth gwrs! Galwch heibio i roi cynnig ar ein Helfa Drysor Eisteddfodol, helpa wahanol iawn i'r arferol! Gosodir cwestiynau amrywiol fel *'Beth yw rhif ffôn Ysgrifennydd Eisteddfod Y Tymbl?'*, *'Pa rif yw Eisteddfod Llanfachreth ar ein map Eisteddfodau?'*. Fe fydd yr atebion i gyd i'w canfod ar ein stondin yn rhywle, ar bosteri, mewn rhestrau testunau ac mewn lluniau. Cynigir £10 o wobwr bob dydd.

'RHYWUN MAWR YN Y MAN' – LLENORION Y DYFODOL

Ddydd Mercher, Awst 5, am 12:00 yn y Lolfa Lên ar Faes yr Eisteddfod bydd darlleniadau a gair neu ddau am y profiad o gystadlu mewn 'steddfodau gan griw dethol o lenorion ifanc. Yn eu holi fydd y Prifeirdd Twm Morys a Rhys Iorwerth. Trefnir ar y cyd â Llenyddiaeth Cymru.

TYNNU'R RAFFL FAWR

Yn garedig ddigon, yng nghanol ei phrysurddeb fel Cadeirydd Pwyllgor Gwaith yr Eisteddfod Genedlaethol eleni mae Beryl Vaughan wedi cytuno i alw draw i'r stondin i dynnu'r Raffl fawr b'nawn Sadwrn ola'r Brifwyl. Cofiwch bod digon o gyfle ar ôl i brynu tocynnau.

CYSTADLEUAETH DDYDDIOL – £10

Y gystadleuaeth ddyddiol ar y stondin eleni yw:

Dwy linell yn odli, ar y testun: 'Y Maes'

Bob dydd fel fydd rhai o gymeriadau rhaglenni plant S4C yn dod i feirniadu.

GALW AM RAGLENNI



Mae nifer fawr o bobl yn troi i mewn i'n stondin i godi swp o raglenni eisteddfodol.

Os yw'ch rhaglen chi wedi dod o'r wasg mae croeso i chi anfon pentwr at Shân neu Mei ac fe sicrhawn bod cyflenwad ar gael ar y stondin drwy'r wythnos.

CYFARFOD BLYNDDOL

Cynhelir cyfarfod blynyddol Cymdeithas Eisteddfodau Cymru ar Faes yr Eisteddfod:

Dydd Mawrth, 4 Awst am 4:30 ym Mhabell y Gymdeithasau 2

Yno, ymyg pethau eraill bydd y Gymdeithas yn cyflwyno tystysgrifau i anrhydeddu'r gwirfoddolwyr hynny sydd wedi ymroi mor ddygn a selog i'w heisteddfodau lleol dros nifer fawr o flynyddoedd.

Yn ogystal bydd cyfle i wybod mwy am yr hyn mae'r Gymdeithas wedi ei gyflawni yn ystod y flwyddyn ddiwethaf. Dyma gyfle i drin a thrafod gwaith y Gymdeithas byd yr eisteddfodau yn gyffredinol. Mae croeso cynnes i bawb.

o fyd yr eisteddfodau

Dyma gasgliad o gystadleuwyr a buddugwyr yn rhai o'r eisteddfodau lleol yn ystod y misoedd diwethaf.



Lyn Ebenezer, Ponrhydfendigaid - enillydd y Goron yn Eisteddfodau Teulu James Pantyfedwen Ponrhydfendigaid.



Parti Canu dan 12 lleol. 1af Ysgol Gynradd yr Hendy, yn Eisteddfod yr Hendy.



Unawd dan 8 lleol yn Eisteddfod yr Hendy. 1af **Erin Hill** Ysgol Bryniago Pontarddulais, 2il **Gwennan Davies** Ysgol Babanod Llangennech, 3ydd **Liam Phillips** Ysgol Babanod Langennech.



Aron Wyn Parry, Dolgellau - enillydd Unawd 15-19oed, Unawd Alaw Werin dros 15 oed a'r unawd Cerdd dant dros 15 oed, yn Eisteddfod Dyffryn Conwy, Llanrwst

Llongyfarchiadau!



Arthur Morgan Thomas, Porthmadog - enillydd y Gadair yn Eisteddfod Dyffryn Conwy, Llanrwst



Enillydd y Gadair yn Eisteddfod yr Hendy **Huw Dylan Owen**, Treforys gyda'r beirniad Eurig Salisbury.



Llefaru dan 8 lleol yn Eisteddfod yr Hendy. 1af **Heledd Evans** Ysgol Bryniago Ponarddulais 2il, **Cari Jones** Ysgol Babanod Llangennech, 3ydd **Steffan Williams** Ysgol Babanod Llangennech.



Mali Elwy - enillydd Llefaru Bl. 7.8 a 9 yn Eisteddfod Dyffryn Conwy, Llanrwst



Dr Godfrey Williams, Pontcysyllte - enillydd yr Emyrn Dôn gyda'r beirniad Dilwyn Price yn Eisteddfod Dyffryn Conwy, Llanrwst.



Adam Gilbert o Aberteifi yn derbyn Tlws Her Parhaol Moc Morgan gan y diweddar Moc Morgan am y gystadleuaeth 'Sadwrn y Sêr' yn Eisteddfodau Teulu James Pantyfedwen Ponrhydfendigaid.




Llefaru dan 15. 1af **Hanna Medi Davies** Pencader, 2il **Steffan Leonard Treforys**, 3ydd **Luke Rees** Pontantwn, 3ydd **Megan Teleri Davies** Llanarth yn Eisteddfod yr Hendy



Rhiannon Elidan Hughes, Llanddoded, enillydd Tlws y Cerddor dan 25 oed yn Eisteddfod Dyffryn Conwy Llanrwst.

Llongyfarchiadau!



Eisteddfod yr Urdd
Caerffili a'r Cylch 2015
25/05 - 30/05

Y GYMDEITHAS YN EISTEDDFOD GENEDLAETHOL YR URDD



Fel arfer, roedd gan y Gymdeithas stondin ar Faes Eisteddfod Genedlaethol yr Urdd yng Nghaerffili. Cafwyd cwmni nifer o bobl yn ymweld â ni a bu'r ddwy gystadleuaeth yn llwyddiant. Dyma ganlyniadau'r rheiny.

ENILLWYR Y GYSTADLEUAETH DDYDDIOL



Criw 'Ysbyty Hospital', SAC fu'n beirniadu bob dydd.

Enillydd Dydd Llun

Erin Griffiths, Talgarreg – *'Hwyl yn cystadlu a hwyl yn y gwerylloedd'*

Enillydd Dydd Mawrth

Macsén Parri, Y Bala – *'Cymdeithasu yn Gymraeg, Cystadlu, Tyfu fyny yn Gymraeg, Gwneud ffrindiau oes, Chwarae yn Gymraeg'*

Enillydd dydd Mercher

Syfi Owen, Caerdydd – *'Cystadlu, Cwmnia, Cymru'*

Enillydd dydd Iau

Nanw Gwenllian Edwards, Llanuwchllyn – *'Mynd rywnd stondins'*

Enillydd dydd Gwener

Mary Sims, Merthyr Tudful – *'Dwi wedi bod yn yr Urdd ers yn ddeg oed a nawr dwi'n 80 oed. Ro'n i'n byw yn Llundain. Dysgais y Gymraeg yn y polytechnic am 3 mis'*

Enillydd dydd Sadwrn

Bedwyr Rees, Hermon - *'Cyfle da'*

YR HELFA DRYSOR EISTEDDFODOL PWY AETH Â HI:



Bu cystadlu brwd ar yr Helfa Drysor, dyma'r enillwyr:

DYDD LLUN

Elliw Mair, Ynys Môn

DYDD MAWRTH

Alis Mabbutt, Llanbadarn, Aberystwyth

DYDD MERCHER

Miriam Llwyd Davies, Llandre, Aberystwyth

DYDD IAU

Sara Baggott, Drefach, Sir Gaerfyrddin

DYDD GWENER

Davinia Davies, Bancffosfelen, Sir Gaerfyrddin

CYFARFOD DE POWYS



Shân (Swyddog Datblygu'r De), Annette Thomas (Eisteddfod Capel Uchaf), Mary Robinson (Eisteddfod Trallong), Megan Price (Eisteddfod Treodrhiwdalar) a Susan Price (Eisteddfod Llanwrtyd)

Fel sydd yn arferol bellach, mae'r Gymdeithas yn cynnal cyfarfodydd hyd a lled y wlad i roi gwybod i eisteddfodau lleol sut y gall y Gymdeithas fod o gymorth iddynt. Yn ddiweddar bu Shân, un o'n Swyddogion Datblygu yn cyfarfod â chynrychiolwyr o eisteddfodau De Powys yng Ngwesty'r Castell, Aberhonddu. 'Roedd tipyn o drafod a chwestiynnu, a bu'n gyfle da i'r cynrychiolwyr rannu eu profiadau wrth drefnu eu heisteddfodau. Sawl paned a llond plât o fisgedi yn ddiweddarach, aeth pawb adre' gyda'i becyn gwybodaeth a syniad da iawn o beth sydd gan y Gymdeithas i gynnis Cofwch gysylltu os ydych am i Mei neu Shân gynnal cyfarfod tebyg yn eich ardal chi.

Diolch o galon

Pe bai'r Gymdeithas yn rhoi gwobr i'r gwerthwr raffl gorau erioed, Florrie Roberts o Benrhiwllan, ger Llandysul fyddai'r enillydd a hynny ben ac ysgwydd uwch y gweddill. Mae Florrie, 82 oed, wedi gwerthu gwerth cannoedd o bunnau o docynnau raffl ar ran y Gymdeithas. Fis Mehefin llwyddodd i werthu 250 mewn llai na phythefnos! Er ei bod heibio i oed ymdeol mae'n dal i weithio yn y Mart yng Nghastellnewydd Emlyn yn paratoi bwyd gan ei bod yn mwynhau cwrdd â phobl. Mae'n mynd i chwarae Bingo yn rheolaidd, felly'n cael y cyfle da i werthu llu o docynnau raffl. Alun Roberts oedd ei gŵr – un a fu'n cefnogi eisteddfodau ardal eang am flynyddoedd maith. Roedd ganddo lais tenor bendigedig. Bu'r ddau'n stiwardio yn y Genedlaethol am gyfnod hirfaith a Florrie wedi parhau i wneud am flynyddoedd yn dilyn marwolaeth Alun. Mae'r Gymdeithas yn diolch o waelod calon i chi Florrie am eich gwaith clodwiw.



O'R OES A FU

Gyda sawl eisteddfod bellach dan bwysau ariannol, diddorol iawn yw'r pwt isod. Daw'r dyfnyniad o hen bapur newydd *Y Gwladgarwr*, 13 Chwefror 1875, sy'n nodi bod cwynion wedi bod yn y papur am natur eisteddfodau'r De i'w cymharu â rhai'r Gogledd!

"Fisoedd lawer yn ôl, bu amryw o'n gohebwy'r yn gwrthdystio yn gryf yn erbyn y dull presenol o gario eisteddfodau yn mlaen yn y Deheudir. Y gwir am dani, y mae yr hen sefydliad cenedlaethol hwn wedi cael ei farchogaeth yn ddirugaredd bellach am hir flynyddau fel cyfrwng i wneyd arian, a hynny lawer pryd at ddybenion personol ac annghyoeidd. Prif amcan ein hynafiaid yn nghynaliad yr Eisteddfod ydoedd meithrin a diwyllio galluoedd y genedl mewn llên a barddas, ac y mae yn amheus genym a ydoedd arian yn cael eu codi yn nyddiau boreu yr Eisteddfodau am fod yn bresenol ynddynt.

Yr hyn a achwynai ein gohebwy'r fwyaf yn ei herwydd ydoedd, fod yr Eisteddfod yn y Deheudir wedi ymdebygoli i gyngherdd, ac mai canu oedd yn cael prif sylw y pwyllgorau. Diau fod llawer o wir yn hyn, ac yr oedd gwrid yn codi i'n gwynebau weithiau wrth gymharu rhai o'n Heisteddfodau yn y Deheudir i'r rhai a gynelid yn y Gogledd. Ond y mae yn dda genym weled ein bod ninau o'r diwedd yn y De wedi rhoddi cam yn yr iawn gyfeiriad, ac y mae gobaith yr achubir yr hen sefydliad rhag cael cam ar ddwyllaw ei ffug-gefnogwyr."

Mae pethau wedi newid llawer!

Cofiwch: mae modd lawrlwytho Rhestrau Testunau llawer iawn o eisteddfodau oddi ar wefan y Gymdeithas hefyd.

MEDI

| | | | |
|-------------------|-------------------------------------|------------------|--------------|
| Medi 11eg a 12fed | Eisteddfod Gadeiriol Tregaron | Catrin Medi Pugh | 07973 875068 |
| Medi 19eg | Eisteddfod Gadeiriol Y Tymbl | Anwen Evans | 01269 833568 |
| Medi 19eg | Eisteddfod Gadeiriol Cwmystwyth | Mrs. Mair Davies | 01970 890245 |
| Medi 25ain | Eisteddfod Ddwyieithog Pobl Hŷn Môn | Helen Ellis | 01248 724970 |
| Medi 26ain | Eisteddfod Gadeiriol Felinfach | Meinir Lewis | 01570 470050 |
| Medi 26ain | Eisteddfod Gadeiriol Llanwrtyd | Susan Price | 01591 610303 |

HYDREF

| | | | |
|--------------|--|------------------------|--------------|
| Hydref 2il | Eisteddfod Calfaria, Garnant | G Davies | 01269 823138 |
| Hydref 2il | Eisteddfod Stesion Trawsfynydd | R.Derfel Roberts | 07833 506500 |
| Hydref 3ydd | Eisteddfod Bethel Melin y Coed | Anwen Hughes | 01492 640288 |
| Hydref 3ydd | Eisteddfod Gadeiriol Trefeglwys | Margaret Jones | 01686 430474 |
| Hydref 10fed | Eisteddfod Gadeiriol Llanarth | Catrin Bellamy Jones | 01545 580279 |
| Hydref 10fed | Eisteddfod Y Plant, Llandrindod | Mrs Gill Wilson | 01597 824726 |
| Hydref 10fed | Eisteddfod Troedrihwdalar | Megan Price | 01591 620640 |
| Hydref 16eg | Eisteddfod y Cymoedd yn Ystrad Mynach | Eirlys a Gwilym Thomas | 01443 812820 |
| Hydref 16eg | Eisteddfod Ieuencid Marian-glas | Ruth Jones | 01248 853957 |
| Hydref 17eg | Eisteddfod Gadeiriol Bancffosfelen a Chrwbín | Davinia Harries | 01269 870490 |
| Hydref 23ain | Eisteddfod Gadeiriol Felindre, Abertawe | Helen Evans | 01792 883252 |
| Hydref 24ain | Eisteddfod Gadeiriol Deiniolen a'r Cylch | Eirlys M. Hughes | 01286 870898 |
| Hydref 31ain | Eisteddfod Gadeiriol Pumsaint | Mair Williams | 01558 650292 |

TACHWEDD

| | | | |
|-------------------|--|----------------------|--------------|
| Tachwedd 6ed | Eisteddfod Llandyrnog | Iestyn Jones-Evans | 01824 790313 |
| Tachwedd 6ed | Eisteddfod Ciliau Aeron | Iris Hawkins | 01570 470554 |
| Tachwedd 7fed | Eisteddfod Gadeiriol Llandyfaelog | Geraint Roberts | 01267 229047 |
| Tachwedd 7fed | Eisteddfod Gadeiriol Llanrhaeadr ym Mochnant | Menna Richards | 01691 780355 |
| Tachwedd 7fed | Eisteddfod Gadeiriol Y Talwrn | Martin Samuel Jones | 07743 413551 |
| Tachwedd 14eg | Eisteddfod Cwmdu | Jean Huxley | 01874 730282 |
| Tachwedd 20/21ain | Eisteddfod Gadeiriol Dyffryn Ogwen | Lowri Watcyn Roberts | 07815 093955 |
| Tachwedd 21ain | Eisteddfod Gadeiriol Y Treuddyn | Ceinwen Parry | 01352 771333 |
| Tachwedd 28ain | Eisteddfod Gadeiriol Abergorlech | Heulwen Francis | 01558 685398 |
| Tachwedd 28ain | Eisteddfod Trallong | Mary Robinson | 01874 624350 |
| Tachwedd 28ain | Eisteddfod Y Foel | Dawn Jones | 01938 820272 |
| Tachwedd 28ain | Eisteddfod Gadeiriol Aelhaearn | Mary C. Jones | 01286-660768 |